







查先生闡道集卷十

前廣西副使涇人毅齋查鐸著

門人同邑蕭彥

張應泰校

雜吟 不記年月

戊午北上下關阻雪五日同震川發舟口占

五日寒江雪今朝得順風  
聯舟飛采鷁鳴匣動青龍

吊古心同壯憂時念與通  
五雲翹首近攄策獻

重瞳





甲子北上東平道中次韻

積雪初開霽滿懷春意濃即看梅占白又見杏舒紅  
采色浮銀燭紅光映酒鐘瀛洲嘉會近應喜附諸公  
過沛縣觀大風歌碑有感

斷石殘碑綠水濱歌風千古見雄心誰知定策安劉  
者還是當年朴魯人

河洛興思卷題初泉劉公朋

煙樹茫茫涇水濱巍我精舍一時成自將赤手扶元  
意散作青衿化雨仁棧樸有歌知盛德茅茨未剪媿

吾人相思何處情偏切桃李年年滿院春

曹婦王氏生員之妻也憂其夫之病願以身代  
遂自縊而死詩以異之

賢哉曹氏婦志行何其竒願以身代夫視死甘如飴  
豈不愛其身所重在天彛覲顏改節者視此應怱怱  
送熊南塘孝子

三月江城春欲暮與君相見桃花渡色咲絕交意已  
傾携手坐談忽如故聞君廬墓本真誠三楚皆知孝  
子名晚更從師勤問道溫恭朝夕若書生古稱陳留



正孝逸今世惟聞董蘿石顧公早悟師門傳直與二  
老昭今昔

白下送汪春水歸楚

誤信丹砂可化金海天寥廓費沉吟倦遊無復尋蓬  
島多病還來訪杏林愧我未肅醫國志饒君瀛得活  
人心石頭江水深無際此日情一樣深

武陵別湛一山人

水落山空萬象清芙蓉蘊水映江城推開浩劍塵埃  
障捧出中天日月明似向夢中纔有覺還疑死後更  
逢生孤舟自此乘流去不遣迷途再問津

贈盤谷山僧

獨坐虛堂自習聽蕭然萬籟發天敲山僧不解無生  
話猶向蒲團學誦經

盤石庵

五石連珠若聚奎一溪九曲更希奇小橋擬作虹橋  
勝誰道神僊在武夷

龍潭

一泓清靜見青天流注乾坤不計年幾欲臨流歌一



曲恐驚潭底老龍眠

有感

昨夜乾坤一氣回  
衝開葭管自飛灰  
何時得協黃鍾律  
一曲均天引鳳來

過釋迦寺見震川詩有感予與震川先後繼至  
震川先我駐禪林  
我亦重來續舊吟  
自是吾人因到此  
前途何必問君平

過釋迦寺次震川韻

偶過釋迦寺  
山僧喜出招懸岩  
封古木流水  
遠平橋

過龍潭寺次震川韻

神龍歲久蟄重淵  
獨抱驪珠晝日眠  
偶為魃魔時一出  
須臾霖雨遍蒼天

老僧結屋傍龍淵  
晝日焚香只打眠  
八十年來無一事  
獨留詩偈滿湖天

石幕洞

千丈懸崖勢若頽  
狂瀾到此自重迴  
洞門更有垂綸老  
疑是當年舊釣臺

舟中睡起



一雨初晴爽氣多扁舟兀坐意如何  
華胥夢覺渾無事起向中流發浩歌

夜雨聞蛙

夜雨初收溽暑清小塘蛙蚓鬧紛紛  
虛堂靜坐聽天籟總是人間韶濩音

震川兄別予者幾三年忽相會於鄂城  
因同舟至岳州共證新功喜贈以詩次韻奉酬

江城三月落花時一咲相逢若有期  
吳楚幾年悲遠別瀟湘此日喜論詩  
性靈野兔皆堪畫機息沙鷗自不疑  
却嘆從前虛濶見漫離物理說良知

杏林春燕次韻奉李對亭春元

金門日暖杏花开燕子探花自往回  
此去五雲風羽便一枚分得曲江來

泥香水煖日遲遲紅透瓊林一兩枝  
燕子探花先得意五雲深處舞差池

遊朝陽洞

此日朝陽洞蘭亭興與齊浩歌懸石下  
信步小橋西酒到忘酬酢詩成廢品題  
年來機事息鷗鷺不相疑



游澹巖

千尺雲根一竅開  
古今游覽幾番來  
洞門風景何多異  
只是中無半點埃

洪濛一竅自誰開  
描得瀟溪樣子來  
獨向石頭歌一曲  
不知身世在塵埃

送陳安陸陞工部

當年封國勢何如  
砥柱中流更許誰  
誓以一身當百折  
肯令四境貼孤危  
驅車正向丹陽道  
把酒長歌白苧詞  
聖主只今新化理  
好堅初志答明時

送毛介翁尚書致政歸江山

紫荆城外路多蹊  
回首江郎信可躋  
歸去未須論險易  
洛中司馬舊幽棲

春風桃李滿沙堤  
春雨霏霏日欲西  
西南望僊舟應去  
遠北山猶聽子規啼

送徐魯源憲副赴廣東

一曲驪歌思轉深  
月明何處覓知音  
百年欲了無他事  
千里相期只此心  
嶺海瘡痍雖未起  
江門風景尚堪尋  
遙看使節猶行日  
春滿羅浮四百岑



贈傅仁泉年伯母榮節

五月孤兒念歲身，矢心甘作未亡人。豈期泲泲堅冰操，却化融融大地春。丹詔九重榮闕里，繡衣千里淨風塵。細觀女傳還誰似，孟母共姜許竝論。

贈張洪軒掌科令堂老伯母榮壽

捧勅趨庭際，榮封拜命時。人從天上至，恩自日邊施。萬里春應動，萱堂日正遲。遙看歸省處，喜色動慈幃。

送沈近川應貢南還

憶昔同游僻水壘，青袍猶自惜髦英。清才沈約兼無

病，落第劉蕡更有聲。天上夢魂何日慰，斗邊焰氣幾時平。知君已決焚舟計，八月蘊風滿帝城。

余遇五十誕辰偶成

旅邸逢初度，虛過少壯期。計年應學易，自反可知非。未了氛寰念，空慚良友規。行當服官政，誓志敢依違。

送楊春泉地師

萬斛春泉何處來，曾揚餘潤自君開。乾坤亦有航靈者，不羨堪輿自聖胎。

題慕祝卷贈周兄



百尺庭槐滿院春清陰分得自嚴君自將親手栽培  
澤遺作終身仰慕恩桑梓也知崇敬止椿萱誰肯廢  
思存歷山千古留公案莫道躬耕已勤

贈劉掌科二親雙壽卷

孝標有後重家聲祇覺人間萬事輕早謝世營緣子  
肖頗分官俸為隣貧未完功課留兒補不盡風花任  
我評况有孟光同樂事年年尊酒祝長生

絳縣夜坐聽蛙

雲淨天空月滿林庭階處處草虫吟虛堂靜坐聽天

籟總是簫韶大獲喜

湖陰次王嶧山韻

二月江城遇故人故人意氣日加新翻身捧出中天  
日信手推開浩劫塵花柳如今知樂事鳶魚隨處見  
天真靈源萬里終期到莫遣迷途再問津

與君兩世故交人此日相逢意更新雙眼誰能看白  
日寸心今許出紅塵見空鵬鳥終成幻神類蹉跎始  
逼真去去蓬瀛應咫尺休從渤海問迷津

吊鄭春溪上舍



熙樓風雨憶交游欲撫瑤琴下拈愁一曲羅歌空悵  
望溪雲漠漠水悠悠

溪雲漠漠水悠悠一夜凝寒凍不流何處招魂春復  
動佳兒表柱自皇洲

過宋孫龍圖墓址

偶過龍圖舊墓臺英雄千古已成灰山僧指點埋魂  
處尚有遺踪傍草萊

題畫四咏

蹇驢過平橋尋梅不可見非無暗香來雪裡花難辨

右尋梅

蓮花比君子中通而外直始知愛蓮心原不在顏色

右觀蓮

孤舟繫綠陰仰觀雙飛鳥羽族總何情宇宙皆吾道

右觀鴈

策馬去尋芳踏破苔痕路願將天下春收之歸肺腑

右遊春

次鍾學博韻

玉璫曾經幾度過如今生計一渙簑十年踪跡蓬博



在先生集 卷十 九  
海雙鬢流光轍下坡焦鹿夢中惺眼少塗龜深處得  
生多韶華轉眼成陳迹且向雲山卧葦蘿

又次遊水西韻

夕照携朋眺古丘雨餘新漲賞溪流隔江烟火孤村  
晚夾水松風兩岸秋疊嶂千層環寺勝寒流一曲抱  
城幽謫僊不盡當年興誰向名山續舊遊

題神光半影

真如本無相此身都是幻誰寫汝半形幻外復加幻  
幻塵既盡淨覺心始顯見嗚呼公昔說法雨花臺祇

恐幻心猶未灰若能觀生盡入妄更從何處問輪迴  
慰家兄既喪偶次韻

獨對南薰憶舊絃人間天上兩茫然紫簫聲斷行雲  
散寶鏡形分舞鳳牽歌罷鼓盆成獨慨夢迴炊臼總  
忘言由來多愛偏多累君羨今為自在僊

次竇子明韻贈吳默然

有物渾成象帝先輕於薄霧軟如綿蒲團坐破三千  
劫黍稷包涵十二天猛火燒殘黍始熟浮雲散盡月  
初圓崦西豈是神仙宅只在吳生拄杖前



次梅宛溪道會詩韻

有物渾成不易窺  
頻年徒媿費遐思  
來從混沌原無竅  
本自圓明底用規  
望重斗山猶屬行  
見精毫髮未為知  
欲窮天稷靈源處  
還向滄洲學息機

題翟氏草堂

小塘一鑑倚門開  
面面青山擁翠來  
獨坐小窓發孤嘯  
不知身世在塵埃

題顧學博孝廉曾閱遐踪卷

心醇行飭性虛恬  
子道如君士庶瞻  
父母世間無不是  
孩提膝下總堪憐  
聖門豈獨稱曾閱  
塵俗誰將舉孝廉  
我亦曾經艱苦處  
遐踪猶自媿先賢

送朱碧峰別駕往荊州

金門春暖杏花紅  
一別於今始見公  
雙鬢流光悲去鳥  
十年踪跡嘆飛蓬  
酒分王粲樓頭月  
詩借吾溪洞裏風  
往事杳然如隔世  
對君聊寫舊遊踪

張條岩正郎園中絕句

歸雲亭

張氏園中春不稀  
晴雲出山還復歸  
草堂正在晴雲



裏坐對無心只自如

得月亭

亭開得月面南山月色山光共往還獨坐小亭玩山  
月不知身世在人間

小洞

小洞清涼爽氣多坐來不覺睡為魔華胥高覺渾無  
事獨對青山發浩歌

麼么小洞倚林阿彷彿當年行樂窩花分小車猶未  
至主人先已醉微陀

蔡明軒憲副邀酌園中

亂紅如雨舞東風醉倚筇篻曲未終不為傷春方酌  
酒道人春在酒盃中

奇花種種亂交加把酒相看日欲斜領取乾坤分副  
意海棠花盡牡丹花

戲題蔡明軒憲副屏圍

獸抱澳竿坐水湄滿江風露澹忘歸年來自信機心  
息何自沙鷗尚爾飛

陽城梁婦劉氏適夫三月而夫亡婦以死從之



鄉人賢而祠之過此有感

梁家有女稱名姝凜凜氣節何貞孤年登二九嫁良夫合懽未幾夫已亡譬彼葦蘿附松株相將百歲共依扶一朝摧折靡所怙形骸未死心先枯妾心匪席那卷舒肯向風花生別圖不如從君死幽都魂神相守無終初舉世非無烈丈夫卒遭拂逆心頓殊平生氣節真無爭如梁婦金不渝徒具鬢眉婦不如噫嗟婦兮烈丈夫

過黃龍庵偶成

少少到禪關經今四十年藍袍雖變紫綠鬢已成班白鶴何時反青山盡日閑漢陰機未息空自說金丹

崔祠共吟有序

余與今大司徒松坡畢公實同母黨公任楚大方伯時鐸適司理德安以職事赴省時得領教益近今十七年矣歲在壬午外弟崔維明健榮領鄉書余與公同往稱賀諸舅氏相留於祠堂少長咸集朝夕相聚者十餘日日設盛筵公以詩文宗匠感時傷事輒形諸詩余亦忘其固陋時或放顰仲冬



初旬正天地之復也良辰盛事賢主嘉賓一時之  
勝會也舅氏欲刻木以垂永久俾余引諸首嗟嗟  
思親之孝尊賢之禮親親之義合族之仁情以自見  
乎詞公之詩教具矣繹而思之蓋有可興者獨文  
詞已哉

昔年江漢竝遊時舅氏同門會聚竒白首名猶留省  
闈青山興已結茅茨風吹豸繡園爐夕露灑簾櫳對  
酌遲臨老故人重見少來春莫惜寄花枝 松坡  
黃鶴追隨憶昔時白頭重聚會真竒慚無諫疏焚殘

草喜有新詩破舊茨流水高山音自別陽春白雪和  
應遲羅浮見說梅千樹莫厭逢人寄一枝 查次

吟冬至

偶值霜飛木落時自然公案總堪竒須從雲漢窮天  
稷莫向茅簷剪亂茨野馬旣閑天籟寂隣鷄未唱日  
升遲乾坤此子真消息不是鷓鴣住一枝 查次

謝毅齋論學兼請教

霜寒天霽仲冬初連榻同堂坐卧餘說破虛明涵日  
月撥來活潑見鳶魚寄迹兩間生死夢印心千古聖



覽書箇中學問尋真脉休溺區區訓話疏 松坡  
 乾坤正值一陽初得侍連朝益有餘看破利名都蠛  
 蠓覺來身世總鳶魚但從茂叔專尋樂未許康成廣  
 註書一覺羲皇絕睡醒箇中消息可容疏 查次答

謝舅氏席

華門禮讓重吾鄉盛宴連朝管樂張愛客留連供美  
 品敬賢交錯奉寒觴高依玉樹孤雲托近對雲林百  
 鳥翔近暮臨行仍把袂踟躕共惜鬢邊霜 松坡  
 仲冬乘興詣東鄉舅氏相留盛宴張水陸珍奇呈異

口呿笙歌雜沓侑清觴衣冠共羨三千集翎翮爭誇九  
 萬翔嘉會一堂真盛事相看獨惜鬢毛霜 查次

崔氏祠堂

山園水繞黃泥里特構祠堂承祭祀尊祖敬宗合族  
 人藹然仁孝自心始 松坡

堂構巍峩崔氏里子姓千年承祭祀世人只解重安  
 居誰似舅家崇本始 查次

赴舅氏席追憶太夫人

余生邁古閔痛憾積終天慈母離懷抱嬰兒失顧憐



查先生集 卷十  
至今嗟皓首憶昔怨芳年三十春穠促勤苦井臼傳  
幸當開宴日翻覺動悲泉門第轂相倚衣冠澤竝延  
貶封聯八座音訓感三遷祿位誠慙竊晨昏殆愴然  
投林身退隱赴席意周旋甥舅承光寵婚姻托舊緣  
朋尊浮綠蟻表豆薦銀鱗禮樂人文盛山川物象妍  
嚴霜凝廟樹寒雀噪林烟哀緒談中亂愁襟列後牽  
松楸猶在眼涕淚暮雲邊

查

送崔生上京

舅家英俊占時名年少賓興獨遠行雙劍出門經臘

雪單車到闕見春鶯雷鳴龍甲乘雲起日暖花枝帶  
露榮知汝顯揚成國士錦旋須慰倚問情 松坡  
少年天府早登名挾策還偕大計行獻賦金門誇倚  
馬探花上苑聽啼鶯當思唐相流芳遠莫羨桓生稽  
古榮此去賽騰安用卜期無温飽落凡情 查次

與畢德海論學謝詩

三十年來靄霧中而今吹散見崆峒纔知狗象朦朧  
久始信殘編障礙重靜處自聞天籟響動時常覺海  
雲空先生喚醒羲皇夢日用惺惺實地功

德海  
松翁子



查先生集 卷七 十七  
作聖須求未發中古今學脉總相同若差舉足兩三  
步終隔到頭千萬重明月也應沉混濁浮雲原不碍  
虛空非從無欲尋真體總屬支離錯用功 查次

畢德海論文詩

烟重新舊意慙慙且有同袍與論文句竊糠粃慚倚  
馬篇連月露羨行雲班門弄斧衣沾汗狗尾續貂內  
欲焚火幸侍名家傳正脉從茲覺悟是真聞 德海  
却笑當年妄用勤而今始信自然文一泓綠水涵瓊  
月萬疊青山起暮雲題入疑難還再透稿逢腐爛總  
須焚此心原有虛靈竅豈竊他人舊見聞 查次

贈蘇白潭壽七十

蘇溪逶迤陵山東仙壇正據山之中儂花歲歲開成  
綺靈氣朝朝結作虹憶昔僊人竇子流服煉山中瓊  
又秋遐踪一去不復返露華石髓無人收東坡苗裔  
稱右族家居正在山之麓去年偶得登龍門自喜兼  
葭能倚玉七十頭顛尚未班不須煉藥注紅顏笑我  
風塵人易老知君應是大羅仙韶華倏忽又重陽黃  
花滿地點瓠光弧矢新懸開壽筵長庚射地初呈祥



查先生集 卷一  
十七  
竭來青鳥瑤池過拾取蟠桃如斗大蘭室曙啟瑞霧  
連桂醕波生香露和賢郎榻管富文學獻賦金門誇  
倚馬更有蘭孫方妙齡神駒千里難羈絡但願靈椿  
千歲長佇看蘭桂爭芬芳鵬鷲秋高風羽便扶搖萬  
里相頡頏愧我金丹煉未成欲登五嶽窺蓬瀛同心  
人遠難獨往依依終歲徒含情羨君剩有福緣慳好  
向虛空煉汞鉛異時再得登公堂與君細論指玄篇  
湛姪年四十四生子又當祐兄夏屋落成之初  
詩以賀之

堯夫生伯溫年已四十五汝今幾邵年方始為人父  
有子萬事足不論早與暮本是積善家多行方便路  
仁者後必昌瓜瓞應無數况當夏屋成瑞氣藹門戶  
箕裘喜有承詩書仍步武他日晝錦堂歸來拜父祖  
次周少峰韻贈秋園地師

曾楊自昔稱明眼不在青囊卷裏傳悟後堪與無妙  
手繩園端許擬先賢

賀包君九十詩

憶昔讀書君舍邊余方弱冠君壯年笑我搆燈坐帳



中深夜留心在簡編一別年來五十餘流光荏苒如  
隙駒君喜遐齡登九十亦賤生逢古稀古來九十  
稱老耄天子尚令杖於朝君今起居尚如舊祝咽祝  
哽無事勞松姿鶴骨性本堅不須煉藥注紅顏笑我  
風塵人易老知君應是大羅仙韶華倏忽又三陽梅  
花滿樹點春光弧矢高懸開壽筵長庚射地初呈祥  
豈無公背與華巔安得如君結善緣陰隲廣開方便  
路貽謀不藉膏腴田積善于公後自昌兒孫鵠立與  
鸞翔養就他年風羽便扶搖萬里相頡頏媿我兼葭  
倚玉深投桃報玉空有心華筵此日無為祝聊寫蕪  
詞寄此情

聞杜仁山掌教歸田寄贈

謝却青壇返故廬滿車行李半圖書共誇桃李春風  
裏獨羨桑麻夜雨餘塵世總歸爭夢鹿幽居今喜得  
塗龜未完工課留兒補一枕羲皇且自如

輓杜仁山次韻

乾坤隨處是吾廬君卒於官實可書萬里歸魂漂泊  
裏百年身屬夢惺餘到門客不題非鳳處世人多信



查先生集 卷十 十九  
似龜我亦金蘭相契久思君一度一連如

送地師二首次白沙韻

堪輿妙處不容言却恐魯楊亦是僊悟後錦囊無一字許君親得古人傳

馬鬣牛眠不偶然直須積德百餘年若將阿堵求佳地造化由來亦愛錢

吊翟石川

太歲正屬蛇賢哲當其窮一夜起寒飈少微墮蒼穹行道皆為惻而我心獨恫所恫匪為私世道方屬公

公性甚質直如彼璞未攻夙志懷千古居身恥凡庸黜彼紛與華矢志挽頽風晚更謝世營幽棲石川東委心究玄冥令德日以崇彼旻胡不吊倏忽令成空形骸有聚散性靈無初終一靈如不昧生死旦暮同譬彼大海漚出沒總海中後身矧多賢負荷有餘功生順沒自寧一笑還化工愧余非南孺襟期素相通薄奠代生翦聊寫此微衷

送趙應庸赴任武昌便道歸省

少小從遊羨茂才如今始奪錦標回椿萱向晚爭榮



發棠棣乘春取次開已信黃流盈玉瓚行看青鎖重  
金臺公餘且玩湖山賦千古英賢共此懷

送李少白司訓當荆門屬縣

校藝當年獨出倫一官今始拜君恩頭無白髮心猶  
壯座有青壇道自尊肯仰前脩安定在欲求遺教象  
山存湘江咫尺家猶近江草江花總故園

贈郭梅井掌教婺源

按劍明珠衆所憐一官今喜領諸賢欲思赤手扶皇  
極好與青衿結善緣安定芳聲施後世考亭定論屬

晚年風波到處澳舟息一曲滄浪且扣舷

送李知吾還楚

早年學道已收功直透洪濛未破中雲淨有天皆夜  
月陽回無處不春風謾從海內尋司馬且向山中養  
卧龍他日武陵尋舊跡洞門莫遣薜蘿封

又

燕山楚水若為期偶爾相逢數亦奇一見渾如百年  
識前生可是舊相知凡情已逐沾泥絮世事當看結  
局某莫謂衰齡輒邀棄心期聊復訂新詩



題翟培吾號

吾從無始來萬有具靈根偶因倏與忽謀報混沌恩  
鑿彼七竅開根本日以傾終迷幻化間忘却本來真  
豈知因四大假合有此身何況身外物過眼總微塵  
君欲知培吾請謝諸緣因諸緣既盡淨故吾應自呈

又

桃李下成蹊不為春花妍君子揚輝光豈在紛華間  
根深末乃茂實盛名自宣父黨本無容言動貴自然  
良賈重深藏賢智非所先食化與儉化景升皆自見

君欲事培吾宜戒不宜添萬有本具足但令弗傷殘

次殷少莊郡侯壁間韻四絕

盡日蒲團坐小池興來冲口自成詩此兒欲問先天  
處一枕羲皇睡醒時

古今原只一丸春萬物芸芸總未垠却笑玄門玄未  
得欲從身外更求身

莫訝浮生兩鬢絲此心猶是未孩時笑看眼底榮枯  
事造化原來一小兒

花映欄杆竹映椽主人兀坐已忘年桔槔忽聽無生



話始信天機不在言

考溪十景

東山曉音

暘谷方開曙淑氣何瀟森處處聞此籟獨聽幽澗禽  
同聲相呼應睠焉求友心笙簧鼓唇舌靈性匪浸淫  
虛堂靜習聽安用調素琴我因發清歌聊以肅好音

虬潭晚艇

夕照澄潭上扁舟抱澳竿天光映上下恍疑坐雲端  
垂綸下清澗倏忽臨風湍鷗鷺解忘機游息依晴灘

因動千古思臨流賦倚蘭悠焉澹忘歸滿江風露寒

石嶺鳴韶

蕭韶去已遠群陰剝微陽寥寥千載下誰復聞宮商  
如何石嶺表古樂聲洋洋風樹偶相遭均節自悠長  
顧置九成臺坐令群情忘元和滿太清因以來鳳凰

毛坦鋪金

高纒屆西成神功何浩蕩雨暘調元和稼穡自穰穰  
遙均玉東郊墟坦夷多沃壤極目皆黃金豐登垂有象  
三農協素懷婦子情偏爽家家賽明神歌聲同慷慨



千田巨浸

誰將一巨浸變作千頃田上無畛防隔下有古木眠  
播獲總無異犁鋤不能前瀰漫漲春水依然似湖天  
傳云古毀宅陵沉自何年桑田忽滄海感此殊悵然

巖龍繫素

早起雨初霽千山亂雲飛忽結巖龍腰宛如白玉圍  
偶爾成竒觀須臾散朝暉瞻彼巖龍山依然倚漁磯  
世態同蒼狗變幻無停機達人貴知止幽懷在柴扉

黃梅暑雨

炎火欲鑠金况復時當午悼彼黃梅峰獨峙龍潭澗  
相薄作甘霖須臾徧林樹煩蒸變清爽塵寰成淨土  
主人無炎涼幽棲隣江浦雨霽臨高臺一笑空千古

西坑玉窟

青山多白雲雨餘雲更多竒哉彼西坑一望白玉窟  
純疑象太素浮動疑江波誰將崑山寶棄置滿山阿  
倏聚還倏散飛騰入銀河嗟二彼素封總是浮雲過

蓮石擁青

青二水邊石瓣二若蓮花擁出龍潭上恍疑擎曉蓮



餘潤承朝露紅光映晚霞中通外峭直不染淤泥沙  
憶昔青蓮士曾此泛仙槎主人步芳躅千載興同賒

溪西銀樹

清夜露華凝繁霜綴林杪晨起望溪西萬樹同銀皎  
紛紛玉蕊多渺渺瓊枝小恍疑早春梅因風還嫋  
匪因徹骨寒何處聞啼鳥復命在歸根公案人知少

答人問亥子次韻

紛紛末學競支離千古心傳孰與期欲覺玄珠須罔  
象試觀赤子總何知未分竒耦原無易偶對輸贏始

有棊此意與君宜領畧休泥亥子是真幾

送堪輿王心石

少年注念錦囊篇好地多歸指顧間我亦有丘君解  
不直從天稷發靈源

壽趙文峯八句

八十頭顱尚未蒼起居猶是少年行無人不致南山  
祝有子魯觀上國光雲海龜高椿樹老金門春暖杏  
花香君恩指日褒封近應羨元方似季方

壽趙梅山六十



查先生集 卷十 二十五  
廣額長髯氣宇昂丹衷一點種循良素封久擅鄉邦  
譽紫誥新承上國光費盡黃金供令子陶成白壁獻  
明王靈椿丹桂相輝映不數燕山有義方

水西書院次邑侯張復吾韻

人間瓦缶正紛紛何處均天至樂聞精舍幸逢明府  
復靈源肯為世途分真心坐破千峰月信手推開萬  
里雲莫道菁莪成絕響古來豪傑本超群

輓王維材詞

天地從來為送旅人生其間都是寄蘧蘆假宿旋復  
還好醜高低何足計蘆中原有真主人覲面相逢情  
自親主人不來亦不去又何生死之足云嗟嗟吾子  
志超卓晚更向余從正學正學不離真主人子既自  
迷還自覺吾子一病淹七年病中更覺究微玄向余  
孜孜詢端的欲從亥子問先天先天無言何處發但  
息諸緣無巧法每逢晤對意留連忽忽別來成永訣  
卿雲易散蘭易凋從來好物不堅牢蠱臂鼠肝原分  
定達人何必心切切况有二子皆惟肖到門客不題  
凡鳥曾效太冲謬相托自慚受托殊草草太冲不泯



查先生集 卷十 三十一  
以二程有子原是吾後身但願二生嗣令緒死生晝  
夜安足論

賀曹子順六句

憶昔曾登別業堂依稀風景類柴桑田饒稼穡園饒  
蔬水遠衡門竹遠墻課子讀書明義理邀隣結社復  
淳龐知君不是西河意寫入新詩侑壽觴

次韻

君去他鄉別構堂以鄉人重是庚桑詩書簇簇盈高  
架松竹瀟瀟護短墻今世閑人惟羨子古來居士獨

稱寵幸逢花甲週初度一幅新詩代壽觴

暮春十絕

九十春光大半歸千紅萬紫已離披及時不共恣行  
樂空對寒蕪嘆落暉

偶從郊外踏春歸鶴氅翩翩到處披草木亦知春不  
久爭紅競紫鬪朝暉

纔逢春到又春歸單夾初成喜自披千古舞雩風景  
在誰偕童冠詠斜暉

纔喜春來春又歸好花多向雨中披道人自有長春



在 不為春歸嘆落暉

落紅如雨見春歸醉倚箜篌手自披春在酒盃吾自  
適花開花落任春暉

春自何來何處歸海棠零落牡丹披君能料理長春  
處不在朝陽與夕暉

燕子飛飛春又歸落花片片點衣披韶華一去不復  
返安得金戈挽落暉

倦步郊原倚杖歸怯寒猶把夾衣披小窓燕坐渾無  
事一曲瑤琴對晚暉

為送春光野外歸倦來欲睡把衣披華胥夢覺煙霞  
枕窓外遲遲日正暉

紅稀綠暗見春歸風自吹噓雨自披大造無私恩浩  
蕩難將寸草報春暉

輓侯兄詩

紛紛末俗競澆漓君獨疑從太古遺燕坐行歌惟率  
性饑殮渴飲總忘機承家一子終無咎通籍諸孫會  
有期八十七年無箇事正留今德後人思

勅封趙太孺人左氏輓詩兼慰其家嗣



一夜寒飈玉樹殘無人  
不誦孺人賢態九味苦兒常  
勉燕翼堂高主自閑丹詔

九重榮雨露繡衣千里靜  
風煙獨憐遊子歸庭晚空  
對慈帷血淚漣

輓勅封趙樂軒兼慰其家嗣

少微一夜墮蒼冥遊子歸來痛不勝  
塵世已空千里夢木風難副百年心  
弦歌久著花封績綸綍親承草詔恩  
叱馭視含皆是孝蓼莪歌罷重傷情

與馬崇禮弟崇文

因君兄弟說逃禪不說生天說畏天  
但得幾微常見在何妨隨順應諸緣  
心無出入方言定境有閑忙便是偏  
若使悠悠能了手古來兢業大牽纏

柬唐子張

莫道生來質性庸庸言庸德是儒宗  
平平淡淡微遜趣業業競競半似慵  
當下不迷焉有悟本來無物孰相逢  
如今且莫生他想儘自存身學蟄龍

贈倪晦之

不是平常不是奇祇爭忘與勿忘而  
絲毫莫著絲毫



力見在還將見在離已分此生惟此事自餘何慮復  
何思聞君見道曾先我願得重逢似舊時

贈金維顯

心學如蹉事事蹉敢將仁厚為君多雖云外亦調停  
在其奈中無著察何但向隱微常戒惧自應位育出  
中和從來美質須當學我願與君共切蹉

孫一誠同輯  
一謹

刻毅齋查先生聞道集卷十終



